



Herritar, euskaltzain eta agintariok: Arratsaldeon eta ongi etorri Donostiako zuen etxera. Mila esker alkatetza eta korporazio osoaren izenean.

Donostia ez litzateke Donostia izango euskararik gabe. Euskarak ere hiri bakar bihurtzen gaitu. Gure jaiak, ohiturak, kantak, lekuak, hitzak, gure herritarrak, donostiarrak, inoiz ez euskararik gabeak Hiri liberala, libertade zalea, Barojatarrak, Artolatarrak, Bilintx, Bitoriano Iraola, Soroa, Arzak, Toribio Alzaga, Manterola

Euskara ere ezin irudika daiteke iraganean, orainean eta geroan, Donostiarik gabe. Donostiarik gabe eta donostiarrik gabe puska handiak faltako litzazkieke euskararen munduei. Idazleak, kulturgileak, hedatzaileak, elkarteak, enpresak, egoitzak, proiektuak, ... Kaxkarin eta txolin ospea ezarri digu zenbaitek, euskararen hiritartasuna ulertu edo ikusi nahi ez duten zenbaitzuek esango nuke, baina gure herritarrak, donostiarrak beti egon dira euskararen muinetan, eginkizunik ezinbestekoenetan. Gaurkoa adibide. Hogeitabederatzi eserleku ditu euskararen akademiak eta bost izango dira beraietan eseritzen diren donostiarrak Lurdes Oñederra andrea esertzen denean. Eta eseriko diren bost emakumezkoetatik bi donostiarrak izango dira.



SAN SEBASTIAN
DONOSTIA 2016

www.sansebastian2016.eu

Candidata a Capital Europea de la Cultura
Europako Kultur Hiribururako Hautagai
Candidate for European Capital of Culture
Capitale Européenne de la Culture. Ville candidate



Euskaltzaindia bezala, Donostia ere etorkizuneko apustuak egiten ari da, eta horietako bat 2016an Europako Kultur Hiriburu izatearena da. Hiri eginkizun bat da, eginkizun garrantzitsu bat. Non, bide horretan egin dezakegun lanak hiri-burutza lortzeak berak baino balio handiagoa izan dezake..

Eta hor, euskarari pisu handia eman nahi izan diogu. “*Hitzen hiria*” da proiektu horren hiru ardatzetako bat. Hitzei, hitzari, hizkerari, hizkera guztiei, eman nahi zaie garrantzia. Elkarrizketari, Baionatik Bilborainoko herritarrok batzen gaituen faktoreetako bati.

Sortzaileak izatea dagokigu. Europari hizkuntza aniztasunaren balioa irakastea. Hitzen elkarbizitzan murgiltzea. Europa osoko hizkuntza txikien erreferente bilakatzea, Europa txikien elkarlaneko Europa nagusian sinestea. Eginkizun hori Donostiari, donostiarrei eta euskarari ezarri nahi diogu.. Ez hizkuntza zaharrenari, hizkuntza gazteenari baizik, gogotsuenari.

Herronka erakargarria da euskaltzain jaun-andreok, agintari eta herritar jaun-andreok, Lurdes Oñederra andrea. Zibikotasunez eta herritartasunez gainezka egindako apustua da. Euskara lehen lerroan,



SAN SEBASTIAN
DONOSTIA 2016

www.sansebastian2016.eu

Candidata a Capital Europea de la Cultura
Europako Kultur Hiribururako Hautagai
Candidate for European Capital of Culture
Capitale Européenne de la Culture. Ville candidate



euskara tresna nagusi, euskal hiztunok protagonista. Donostiako herritar merezimenduen domina jaso zenuenean bezala, Lurdes adiskidea. Euskaltzain izendatu zintuztelako hain zuzen. Orduan bezalaxe. Gaur udaletxe honetan babesten gaituzten hornei ez zaie oraindik zure hitzek eragindako dardara joan. Zure demokrazia aldarriak, herritarren libertadearen oihuak, zure elkarrizketa gogoak euskara nagusi bilakarazi zuten, hizkuntza nagusi, zeresan nagusi. Ez dira etxe honetan hitz haien oihartzunak inoiz itzaliko.

Horixe gogoraraztea zegokidan, horixe eta donostiarren harrotasuna, zure akademiako eserlekuagatik. Aipatu hitz haien muina bezain oparoa izan dadila zure euskaltzain lana. Merezimendu akademikoak dagokionak aipatuko ditu.

Zorionak emakume, zorionak Lurdes.

Zure da hitza euskaltzainburu jauna.

Odon Elorza



SAN SEBASTIAN
DONOSTIA 2016

www.sansebastian2016.eu

Candidata a Capital Europea de la Cultura
Europako Kultur Hiribururako Hautagai
Candidate for European Capital of Culture
Capitale Européenne de la Culture. Ville candidate